



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ
ՀՐԴԵՀԱՅԻՆ ԱՆՎՏԱՆԳՈՒԹՅԱՆ ՏԵՍՉԱԿԱՆ ՄԱՐՄՆԻ
ԼՈՌՈՒ ՏԱՐԱԾՔԱՅԻՆ ԲԱԺԻՆ**

Ո Ր Ո Շ ՈՒ Մ Ն Ք/1985-2021

Վարչական տույժ նշանակելու մասին

ք. Վանաձոր

«23» մարտի 2022թ.

Ես՝ ՀՀ քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ Տեսչական մարմին) Լոռու տարածքային բաժնի պետ Արման Գինոսյանս, ուսումնասիրելով Տեսչական մարմնի Լոռու տարածքային բաժնի կողմից իրականացված ստուգումների արդյունքում 2022 թվականի փետրվարի 17-ին կապալառու «Ինտեկո էներգո» ՓԲ ընկերության նկատմամբ կազմված թիվ Ք/1985-2021 ստուգման ակտը և վարչական վարույթի նյութերը՝

ՊԱՐԶԵՑԻ

Տեսչական մարմնի ղեկավարի 15.12.2022թ. թիվ Ք/1985-2021 հանձնարարագրի հիման վրա Տեսչական մարմնի Լոռու տարածքային բաժնի կողմից 2022 թվականի հունվարի 25-ից հունվարի 26-ն ընկած ժամանակահատվածում ստուգումներ են իրականացվել ՀՀ Լոռու մարզ, Ախթալա համայնքում «Դեքետ» 35կՎ ՕԳ-ի կառուցման՝ քաղաքաշինության բնագավառում իրավական ակտերի պահանջների կատարման և պահպանման նկատմամբ՝ 2021թ. հունվար ամսից 2022թ. հունվար ամիսն ընկած ժամանակահատվածի համար: Իրականացված ստուգումների արդյունքում 17.02.2022թ. կազմվել է թիվ Ք/1985-2021 ստուգման ակտը, համաձայն որի հայտնաբերվել են հետևյալ խախտումները.

1. Նախագծով նախատեսված է գոյություն ունեցող հիմքերը ուժեղացնել ե/բետոնով՝ 50x50սմ կտրվածքով, սակայն կատարվել է 42,0x46 սմ կտրվածքով:
2. Նախատեսված է հիմքերի վերնամասը սվաղել g/ավազային շաղախով՝ տալով թեքություններ, որոնք չեն արվել:

3. Նախագծով նախատեսված է մետաղյան հենարանների դեֆորմացված անկյունակները փոխարինել նորերով, սակայն չեն փոխարինվել:

4. Նախատեսված է մետաղյա հենարանները ներկել, սակայն մասնակի հատվածներում ներկարարական աշխատանքները կատարվել են անորակ:

5. Կապալառուի կողմից կատարողական փաստաթղթեր չեն ներկայացվել:

Այսինքն՝ կապալառու «Ինտեկո Էներգո» ՓԲ ընկերության կողմից խախտվել է «Քաղաքաշինության մասին» ՀՀ օրենքի 9-րդ հոդվածի 2-րդ մասի «բ» կետի պահանջը: Վերը նշված խախտումների համար նախատեսված է վարչական պատասխանատվություն Վարչական իրավախախտումների վերաբերյալ ՀՀ օրենսգրքի 157⁸-րդ հոդվածի 1-ին մասով:

Վերոնշյալ վարչական իրավախախտման վերաբերյալ գործի քննությունը նշանակվել է 28.02.2022 թվականին: «Ինտեկո Էներգո» ՓԲ ընկերության տնօրեն Ալֆրեդ Հարությունյանը պատշաճ ծանուցվել է գործի քննության վայրի և ժամի մասին, սակայն չի ներկայացել գործի քննությանը:

«Քաղաքաշինության մասին» ՀՀ օրենքի 9-րդ հոդվածի 2-րդ մասի «բ» կետի համաձայն՝ շինարարություն իրականացնողները պարտավոր են շինարարության ընթացքում պահպանել հաստատված նախագծի, նորմատիվ-տեխնիկական փաստաթղթերի պահանջները:

Վարչական իրավախախտումների վերաբերյալ ՀՀ օրենսգրքի 157⁸-րդ հոդվածի 1-ին մասի համաձայն՝ Շինարարության ընթացքում հաստատված նախագծի, շինարարական արտադրության կամ ընդունման նորմերի, ինչպես նաև ստանդարտների խախտումներ թույլ տալը, եթե դրանք չեն ազդում շենքի, շինության ամրության, կայունության կամ հուսալիության վրա, ինչպես նաև վտանգավոր չեն մարդկանց կամ շրջակա միջավայրի համար և կարող են վերացվել առանց դադարեցնելու տվյալ տեղամասում շինարարական աշխատանքները՝

- առաջացնում է տուգանքի նշանակում՝ սահմանված նվազագույն աշխատավարձի հիսնապատիկի չափով:

Այսպիսով, սույն վարչական գործում եղած ապացույցներով հիմնավորվել է ՀՀ Լոռու մարզ, Ախթալա համայնքում «Դեբետ» 35կՎ ՕԳ-ի կառուցման ընթացքում կապալառու «Ինտեկո Էներգո» ՓԲ ընկերության կողմից թույլ տրված վարչական իրավախախտման փաստը:

Հիմք ընդունելով վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 244¹¹-րդ հոդվածի 2-րդ կետով, 281-րդ հոդվածով և 282-րդ հոդվածի 1-ին կետով՝

ՈՐՈՇԵՑԻ

Կապալառու՝ «Ինտեկո Էներգո» ՓԲ ընկերությանը ենթարկել վարչական պատասխանատվության՝ Վարչական իրավախախտումների վերաբերյալ Հայաստանի Հանրապետության օրենսգրքի 157⁸-րդ հոդվածի 1-ին մասի հատկանիշներով և նշանակել վարչական տույժ՝ տուգանք՝ 50.000 (հիսուն հազար) ՀՀ դրամ գումարի չափով:

Ծանոթություն.

Սույն որոշումը օրինական ուժի մեջ է մտնում հրապարակման պահից (հանձնվելուց, հանձնված համարվելու օրվանից) մեկ ամիս հետո, և սույն ժամկետում ենթակա է բողոքարկման՝ ՀՀ քաղաքացիական դատավարության օրենսգրքով սահմանված կարգով:

Տուգանքի գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի՝ **9000050001517** հաշվեհամարին:

Տուգանքի գումարը վճարելիս անհրաժեշտ է «նպատակը» դաշտում նշել որոշման համարը:

Լոռու տարածքային բաժնի պետ

☒ Recoverable Signature

X



ԱՐՄԱՆ ԳԻՆՈՍՅԱՆ

Signed by: GINOSYAN ARMAN 1102880558

ԱՐՄԱՆ ԳԻՆՈՍՅԱՆ